

ত্রিপুরা সরকার
তথ্য ও সংস্কৃতি অধিকার

স-৪৮৬০

কুমারঘাট, ১৩ ফেব্রুয়ারি, ২০২৪

হালাইমুড়ায় সর্দার বল্লভভাই প্যাটেলের পূর্ণাবয়ব মূর্তির আবরণ উন্মোচন

কুমারঘাটের হালাইমুড়ায় মনু ও দেও নদীর সঙ্গমস্থলে আজ লৌহ মানব সর্দার বল্লভভাই প্যাটেলের পূর্ণাবয়ব মূর্তির আবরণ উন্মোচন করেন বিধায়ক ভগবান চন্দ্র দাস। সাড়ে এগারো ফুট উচু ব্রোঞ্জের এই মূর্তি নির্মাণে তপশিলি জাতি কল্যাণ দপ্তর থেকে ৫০ লক্ষ টাকা ব্যয় করা হয়।

অনুষ্ঠানে বক্তব্য রাখতে গিয়ে বিধায়ক ভগবান চন্দ্র দাস বলেন, আগামীদিনে কুমারঘাটের মনু ও দেও নদীর সঙ্গমস্থল হালাইমুড়ার এই স্থানটিকে এবং তার আশপাশ এলাকা নিয়ে অদূর ভবিষ্যতে একটি পর্যটন কেন্দ্র হিসেবে গড়ে তোলা হবে। এজন্য তিনি সংশ্লিষ্ট এলাকার সকল অংশের মানুষকে সহযোগিতার হাত বাড়িয়ে দিতে আহ্বান জানান। উনকোটি জিলা পরিষদের সভাধিপতি অমলেন্দু দাস সর্দার বল্লভভাই প্যাটেলের কর্মজীবনের বিভিন্ন দিক নিয়ে আলোচনা করেন। অনুষ্ঠানে সভাপতিত্ব করেন কুমারঘাট পুর পরিষদের চেয়ারপার্সন বিশ্বজিৎ দাস। এছাড়া বক্তব্য রাখেন তপশিলি জাতি কল্যাণ দপ্তরের উপাধিকর্তা প্রদীপ রিয়াৎ। স্বাগত বক্তব্য রাখেন মহকুমা শাসক সুব্রত কুমার দাস। উপস্থিত ছিলেন কুমারঘাট ঝুঁকের এসসি সাব কমিটির চেয়ারম্যান দেবাশিস মালাকার, কুমারঘাট পুর পরিষদের এস সি সাব কমিটির চেয়ারম্যান কার্তিক দাস, উনকোটি জেলা কল্যাণ আধিকারিক বাদল রায়, সমাজসেবী পবিত্র দেবনাথ প্রমুখ।
